

ταῖς οὖσαι, καὶ γένεσις γένεσις. αἰτίαν δὲ γὰρ A mutatio, & generationis generatio fuerit. Necesse igitur & priorem fore, si posterior fuerit: ut si simplex aliquando siebat generatio, illud quoque, quod siebat, simpliciter siebat: quare nondum erat quod simpliciter siebat, sed quod sit aliquid, aut quod iam siebat. Si igitur hoc etiam aliquando siebat, cur nondum erat, quod tunc siebat? Cūm vero in infinitis non sit B aliquid primum, non erit primum: quam ob rem neque consequens erit. Nec fieri igitur nec inveniri, nec mutari quicquam, possibile est. Eiusdem præterea motus contrarius, atque quies, generatioque, & corruptio. Quare quod sit, cūm factum fuerit, quod sit, tunc corruptitur. Nec enim statim, cūm fiat, nec post. Nam esse opus est, quod corruptitur. Item necesse materia subesse ei, quod fit & mutatur: quæ sane erit velut alterabile quiddam, aut corpus, aut anima, ita quiddam etiam eius, quod fit, aut motus, aut generatio: & aliquid item ad hoc mouetur. Nam opus est aliquid huius ex hoc in hoc, quod motus non est, esse motum. Quonam igitur modo? Non erit doctrina doctrinæ: quare neque generatio generationis. Cum verò neque substantia, nec ad aliquid, neque faciendi, ac paciendi, superest secundum quale, & quantum & ubi, motum duntaxat esse: quandoquidem in horum singulis contrarietas est. Quale autem dico, non quod in substantia (si quidem differentia, quale est) verum passuum quale, quo dicitur res aut pati, aut impassibilis esse. Immobile autem est, & quod omnino impossibile est moueri, & quod in multo tempore vix mouetur, aut quod tardè incipit: & quod natum quidem est moueri, non possit autem, quando natum est, & ubi, & quomodo: quod sane inter immobilia solum, voco quiescere: contraria enim quies motui. Quare priuatio erit susceptiui. Simul secundum locum esse dicuntur, quæ in uno loco primo sunt. Et separata, quæ in diuerso. Tangi autem, quorum extrema sunt simul. Mediū, in quod natū est prius venire, quod mutatur, quam ad quod ultimum mutatur, secundum naturam continuè mutatum. Contrarium secundū locum, quod secundum restitudinem plurimum distat. Consequens, est cuius principium sequentis, aut solo situ, aut speciei, aut aliquo quodam modo definitus: atque illius, cuius est consequens, nihil est medium eorum, quæ in eodem genere sunt: velut linea lineæ, aut unitas unitatis, aut domus ipsius domus: aliud vero medij esse, nihil prohibet. Consequens nāque, alicuius cōsequens, ac quoddā posterius est.